

立太子禮資料

和装本

74

6304



74
6304

立太子禮資料

立太子禮資料

4-4-5
15

57

74
6304

魏

立太子禮魏志に明文なし然水ども晋書禮志に
據れば大體漢の制に同じ同書に云

魏明帝太和元年正月丁未郊祀武帝以配天宗
祀文帝於明堂以配上帝於是時二漢郊禋之制
具存魏所損益可知
以て類推すべきなり

去
水
五
味
均
平
蔵



宮内省

宮内省

月文武百官服衰服一月而除。東宮臣僚齊衰三月。臨七日而除。比葬帝再至東宮。命宰臣奉諡冊。大小祥皆執政官行禮。子挺錢氏所生也。甫晬。除福州觀察使。封榮國公。乾道九年卒。贈武當軍節度使。追封豫國公。寧宗時。命宗子希堪為太子。後希堪藝祖九世孫也。賜名楷。補右千牛衛將軍。置教授於府。開禧二年。除忠州防禦使。嘉定八年。更名思正。按禮志。乾道元年八月十日。制立皇子鄧王楷為皇太子。十月詔以知樞密院洪适為禮儀使。撰冊文。簽書樞密院事葉顥書冊。工部侍郎王弗篆寶。十六日。皇帝御大慶殿行冊禮。皇太子服遠遊冠。朱明衣。執桓圭。前期習禮儀官及有司。並先一日入宿衛。展宮架樂。設太子次。冊寶幄次。百官次。又設皇太子受冊位。典寶

褥位。應行禮等皆有位。列黃麾半仗於殿門內外。奠明百官就次。皇太子常服詣幕次。符寶郎陳八寶於御位之左右。有司奉冊寶至幄次。百官朝服入班。殿庭有司自幄次奉冊寶至褥位。參知政事。中書令導從。退各就位。侍中升殿。俟宣制。皇太子易服執圭。俟於殿門外。樂正撞黃鐘之鐘。乾安之樂作。皇帝即御坐。殿上侍臣起居。樂止。行禮官贊引皇太子入就殿庭。東宮守從初入殿門。明安之樂作。樂止。皇太子起居。次百官起居。各拜舞如儀。皇太子詣受冊位。侍中前承旨降階。宣制曰。冊劉王楷為皇太子。皇太子拜舞如儀。侍中升殿復位。中書令詣讀冊位。捧冊官奉冊至。中書令跪讀畢。興。皇太子再拜。有司奉冊至。皇太子位。中書令跪以冊授皇太子。皇太子跪受。以授

左庶子置於案。次侍中以寶授皇太子。皇太子跪受。以授左庶子如上儀。皇太子再拜。中書舍人押冊。中允押寶以出。次皇太子出如來儀。初行樂作。出殿門。樂止。次百官稱賀。樂正撞蕤賓之鐘。乾安之樂作。皇帝降坐。樂止。放仗。在位官再拜以出。禮畢。百官易常服。赴內東門司。拜殿賀皇后。次赴德壽宮。拜表殿賀。賀諸路監司守臣等。並表稱賀。明日車駕詣德壽宮。謝。又明日上御紫宸殿。引皇太子稱謝。還東宮。百官赴東宮參賀。皇太子擇日。先朝謁景靈宮。次日朝謁太廟。別廟。又擇日。詣德壽宮稱謝。先是禮官言。皇太子朝謁景靈宮。無所服典故。乞止用常服。次朝謁太廟。別廟。當衰冕乘金輅。設仗從之。皇太子言。乘輅設仗。雖有至道天禧故事。非臣子所安。詔免。皇太子冊

用珉簡六十枚。乾道中用七十五枚。每枚高尺二寸。博一寸二分。前後標首四枚。長隨簡。博四寸。其二刻神。其二刻龍。為奉護狀。貫以金絲。首尾結為金花。飾以帕。錯襯以紅羅。泥金夾帕。藉以錦褥。盛以黝漆匣。錦拓裏。以金塗銀葉。段五明裝。隱起百花鳳。覆以緋羅。泥金帕。絡以紅絲結。繼襯以錦褥。載以黝漆腰輿。行馬。

元金

因宮闈典第六十五卷

大定八年春正月庚辰行皇太子冊禮。按金史世宗本紀云云。按禮志冊皇太子儀。大定八年正月冊皇太子禮官擬奏皇太子乘輿至翔龍門東宮官導從不乘馬冊皇太子前三日遣使同日奏告天地宗廟冊前一日宣徽院師鸞儀司設御座於大安殿當中南向設皇太子次於門外之東西向又設文武百僚應行事官東宮官等次於門外之東西廊又設冊寶幄次於殿後東廂俱南向又設受冊位於殿庭橫階南工部官與監造冊寶官公服自製造所導引冊寶牀由宣華門入約宣徽院同進呈畢赴幄次安置大樂令師其屬展樂縣於庭其日兵部帥其屬設黃麾仗於大安殿門之內其日質明文武百僚應

行事官並朝殿入次。東宮官各朝服。自東宮乘馬導從。至左翔龍門外下馬。各就次。通事舍人分引百官入立班。東西相向。次引侍中、中書令、門下侍郎、中書侍郎及捧冊寶官詣殿後。幄次前立。少頃奉冊寶出幄次。由大安殿東降至庭中。褥位權置訖。奉引冊寶官立於其後。皇太子服遠遊冠朱明衣。出次執圭。三師三少已下導從。立於門外。侍中奏中嚴。符寶郎奉八寶。山東西偏門令入。升置御座之左右。侍中奏外辦。內侍承旨索扇扇合。皇帝服通天冠絳紗袍。以出。曲直華蓋侍衛如常儀。鳴鞭宮縣樂作。皇帝出自東序。即御座。爐煙升。扇開。簾捲。樂止。典贊儀引皇太子入門。宮縣樂作。至位樂止。師少已下從入。立於皇太子位東南。西向。典儀贊皇太子再拜。搢圭。舞蹈。又

再拜。奏聖躬萬福。又再拜。引近東西向立。師少以下并奉引冊寶官等。各赴百官東班。樂作。至位樂止。通事舍人引百官俱橫班北向。典儀贊拜。在位官皆再拜。搢笏。舞蹈。又再拜起居。又再拜畢。百官各還東西班。師少以下并行事官各還立位。典贊儀引皇太子復受冊位。樂作。至位樂止。侍中承旨稱有制。皇太子以下應在位官皆再拜躬身。侍中宣制曰。冊某王為皇太子。又再拜。通事舍人、太常博士引中書令詣讀冊位。中書侍郎引冊置於前。捧冊官西向跪。捧皇太子跪讀畢。伏興。皇太子再拜。中書令詣捧冊位。奉冊授皇太子。搢圭跪受冊。以授右庶子。右庶子跪受。皇太子伏興。右庶子以冊興置於牀。中書令以下退。復本班。次通事舍人、太常博士引侍中詣奉寶

位門下侍郎引寶蓋立於其右。侍中奉寶授皇太子。揖。主跪受。以授左庶子。左庶子跪受。皇太子俛伏興。左庶子以寶與置於牀。侍中以下退。復本班。典儀贊再拜畢。引皇太子退。初行樂作。左右庶子帥其屬昇冊寶牀。以出。出門樂止。侍中奏禮畢。內侍承旨。索扇扇合。簾降。鳴鞭樂作。皇帝降座。入自西序。還後閣。侍衛御如來儀。扇開樂止。侍中奏解嚴。所司承旨放仗。衛以次出。皇太子入。次改服。公服還東宮。導從如來儀。冊後二日。兵部設黃麾仗於仁政殿門之內。外陳設並如大安殿之儀。百官服朝服。皇太子公服。至次。改服遠遊冠朱明衣。通事舍人引百官入。至階下立班。東西相向。典儀引皇太子。執圭出。次立於門外。侍中奏中嚴。少頃。又奏外辦。皇帝出自東序。卽座。簾捲。

(五大)

通事舍人引百官俱橫班北向。典儀贊拜。在位官皆再拜。揖。笏舞蹈。又再拜起居。又再拜訖。分班。皇太子捧表入。宣拜表位。立俛。閣門使將至。單跪捧表。閣門使接表。皇太子俛伏興。典儀贊再拜。揖。圭舞蹈。又再拜。俛讀表畢。侍中承旨退。稱有制。典儀贊再拜興。躬身。侍中宣訖。典儀贊再拜。揖。圭舞蹈。又再拜。引皇太子退。侍中奏禮畢。扇合。鳴鞭。入西序。還後閣。侍衛如來儀。侍中奏解嚴。放仗。百官以次出。後二日。百官奉表稱賀如常儀。又皇太子受冊恭謝太廟儀。其日質明。東宮應從官各服朝服。所司陳函簿金輅於左掖門外。皇太子服遠遊冠朱明衣。升輿以出。至金輅所。降輿升輅。左庶子已下夾侍。三師三少乘馬導從。餘官亦皆乘馬以從。東行由太廟西階。轉至廟。不鳴。

鏡吹至廟西偏門外降輅步進由東偏門入幄次改服袞冕出次執圭自南神東偏門入宮官并太常寺官皆從皇太子入詣殿庭東階之東西向立典儀贊再拜訖升自西階詣始祖神位前北向再拜訖以次詣逐室行禮並如上儀訖降自西階復西向位俟典儀稱禮畢出東神北偏門謁別廟如上儀訖歸幄次改服遠遊冠朱明衣出次步至廟門外升輅過廟門鳴鏡而行至左掖門外降輅升輿以入將士各還本所後一日於東宮受羣官賀如元正受賀之儀

宮闈典第六十六卷

東宮部彙考十

元

元制冊立皇太子及授冊攝官之制按元史禮樂志冊立皇太子儀前期三日右丞相率百僚至金玉局冊寶案前舍人贊曰鞠躬曰拜曰興曰拜曰興曰平身曰班首稍前曰跪曰在位官皆跪曰搢笏曰上香曰上香曰三上香曰出笏曰就拜曰興曰拜曰興曰拜曰興曰平身侍儀使舍人分引羣臣儀衛音樂導至中書省正位安置前期二日儀鑿司設發冊案於大明殿御座西發寶案於東典寶官設香案於太子殿前階上設冊案於西寶案於東又設受冊案於殿內座榻之西受寶案於東侍儀司設板位太尉冊

使副位於大明殿庭。太尉位居中。冊官位於右。寶官位於左。禮儀使位於前。主節官位於太尉之左。太子殿廷亦如之。樂位布置亦如之。右丞相率百僚朝服至中書省。冊寶案前。叙立定。舍人贊曰。鞠躬。曰。拜。曰。興。曰。拜。曰。興。曰。平身。曰。班首稍前。曰。跪。曰。稽首。曰。在位。官皆跪。曰。上香。曰。上香。曰。三上香。曰。出笏。曰。就拜。曰。興。曰。拜。曰。興。曰。拜。曰。興。曰。平立。舍人分引羣臣儀衛導從。音樂傘扇。導至闕前。控鶴奠案。方輿官昇之。由中道入崇天門。冊使以下奉隨。至露階下。方輿官置冊案於西。寶案於東。分退立於兩廡。冊使副北面引冊官。舉冊官讀冊官。捧冊官位於冊案西。東向。引寶官。舉寶官讀寶官。捧寶官位於寶案東。西向。掌儀舍人贊曰。捧冊官稍前。曰。稽首。曰。捧冊。又贊曰。捧寶

官稍前。曰。稽首。曰。捧寶。侍儀使引進使。引冊官。引寶官前導。捧冊寶官次之。冊使副以下奉隨。升大明殿午階。由正門入。至進發冊寶案前。冊使副北面立。引冊官。引寶官。舉冊官。舉寶官以下分左右。夾冊寶案立。掌儀贊曰。以冊寶置於案。曰。出笏。曰。復位。侍儀使引奉冊使以下。由左門出。百辟趨退。至期大昕。引贊引冊使以下。皆公服。叙位於闕庭。侍儀使導從。皇帝出閣。鳴鞭三。陞大明殿。登御座。尚引引殿前班入。起居位。起居贊拜如儀。宣贊唱曰。各恭事。引贊引冊使以下入就位。掌儀舍人引承奉班。都知侍儀使禮儀使主節。即捧冊捧寶官。升自左階。由左門入。至御座前。分左右立。掌儀贊曰。禮儀使稍前。曰。跪。曰。衆官皆跪。禮儀使奏請發皇太子冊寶。掌儀唱曰。就拜。曰。興

曰平身。曰勅官皆興。曰復位。曰內謁者稍前。曰搢笏。曰捧冊寶。跪進。皇帝曰。以冊寶授捧冊寶官。跪受。興。掌儀贊曰。主節。即搢笏。持節。禮儀使引節。導冊寶。由正門以出。至露階。南向立。禮儀使稱有制。承奏。班部知唱曰。太尉以下皆再拜。掌儀贊曰。鞠躬。曰拜。曰興。曰拜。曰興。曰平身。禮儀使宣制曰。上命太尉等。持節授皇太子冊寶。掌儀贊曰。鞠躬。曰拜。曰興。曰拜。曰興。曰平身。禮儀使引節。導冊寶。降至露階下。依次就位。掌儀贊曰。以冊寶置於案。曰出笏。曰復位。方興。早以行樂作。侍儀使、禮儀使、主節前導。冊使以下奉隨。由正門出。至闕前。方興。奠案。控鶴早以行。至皇太子殿廷。控鶴奠案。方興。早以行入。至露階下。奠案。方興。退樂止。冊使以下依次立。掌儀贊曰。捧冊寶。

官稍前。搢笏。捧冊寶。侍儀使引節。主節導。冊寶以行。冊使以下由正階。階節立於香案之西。掌儀贊曰。捧冊寶。官跪。以冊寶置於案。曰出笏。曰興。曰就位。右庶子跪。報外備。內侍入啟。出傳旨。曰可。右庶子俛伏。興。皇太子出。閣立於香案前。掌儀贊曰。皇太子跪。曰上香。曰上香。曰三上香。曰拜。曰興。曰拜。曰興。太尉前稱制。遣臣某等恭授皇太子冊寶。復位。掌儀贊曰。皇太子拜。曰興。曰拜。曰興。請皇太子詣褥位。南向立。曰皇太子跪。曰諸執事官皆跪。曰舉冊官興。至案前。曰跪。曰讀冊。讀畢。曰納冊於匣。曰出笏。掌儀唱曰。舉寶官興。至案前。曰跪。曰讀寶。讀畢。曰納寶於盞。曰出笏。曰舉冊寶。官讀冊。寶官皆興。復位。掌儀贊曰。太尉進授冊寶。侍儀使引太尉司徒。至冊寶案前。搢笏。以冊寶。

跪進皇太子恭受。以授左右庶子。左右庶子指笏跪受。掌儀贊曰：皇太子興。冊使以下皆興。右庶子捧冊。左庶子捧寶。尊皇太子入殿。右庶子奠冊於授冊案。左庶子奠寶於授寶案。引節引主節立於殿西北。引贊引太尉以下下降階。復位北向立。承奉班都知唱曰：太尉以下皆再拜。掌儀贊曰：鞠躬。曰：拜。曰：興。曰：拜。曰：興。曰：平身。樂作。侍儀使詣太尉前請進酒。太尉入至殿內進酒畢。降復位。樂止。侍儀使禮儀使主節尊太尉以下還詣大明殿御座前。跪奏曰：奉制授皇太子冊寶。謹以禮畢。俛伏興降詣位。侍儀使左右庶子導皇太子詣大明殿御座前謝恩。右庶子贊曰：拜。曰：興。曰：拜。曰：興。進酒。又贊曰：拜。曰：興。曰：拜。曰：興。降殿還府。侍儀使詣右丞相前請進酒。雙引陞殿。至宇下褥位。

立。侍儀使分左右北向立。俟前行色曲將半舞旋列定。通贊唱曰：分班。樂作。侍儀使右丞相由南東門入。宣徽使奉隨至御榻前。右丞相跪。宣徽使立於東南。曲終。右丞相祝贊曰：皇太子冊寶禮畢。臣等不勝慶忭。同上。皇帝皇后萬萬歲壽。宣徽使應曰：如所祝。右丞相俛伏興退。詣進酒位進酒。進表章禮物。贊拜如元正儀。駕興鳴鞭三。侍儀使尊駕還寢殿。如來儀。皇太子還府陞殿。典引引羣臣入。就起居位。通班自班西行至中道。唱曰：具官某以下起居。典引贊曰：鞠躬。曰：平身。進就拜位。宣贊唱曰：拜。通贊贊曰：鞠躬。曰：拜。曰：興。曰：拜。曰：興。曰：平身。侍儀使詣班首前請進酒。雙引由左階至殿宇下褥位立。侍儀分左右北向立。俟前行色曲將半舞旋列定。通贊唱曰：分班。班首入自

左門。右庶子隨至座前。班首跪。右庶子立於東南。俟
曲終。班首致祝詞曰。冊寶禮畢。願上殿下千秋之壽。
右庶子應曰。如所祝。班首俛伏興。退至進酒位。搢笏
捧觴北向立。右庶子退復位。俟舞旋至露階。樂舞至
第四拍。班首進酒。宣贊唱曰。文武百僚。皆再拜。通贊
贊曰。鞠躬。曰。拜。曰。興。曰。拜。曰。興。曰。平身。班首自東門
出。復位。樂止。通贊唱曰。合班。中書押進箋。及禮物案
至。橫階下。進讀箋官由左階。階進讀禮物官至階下。
俟。進讀箋官至字下。先讀箋。目次讀箋。讀畢。俛伏興。
降至階下。進讀禮物官升階。至字下。跪讀禮物狀。畢。
俛伏興。退。同讀箋官至橫階。隨箋案西行至右廡下。
禮物案東行至左廡下。各付所司。宣贊唱曰。拜。通贊
贊曰。鞠躬。曰。拜。曰。興。曰。拜。曰。興。曰。平立。右庶子導皇

(五六)

太子還閣。授皇太子冊。凡攝官四十有九人。攝大
尉一人。奉冊官二人。持節官一人。捧冊官二人。讀冊
官二人。引冊官二人。攝禮儀使二人。主當內侍六人。
副持節官五人。侍從官十一人。代禮官十六人。

遼

續文獻通考卷一百十六

冊皇太子儀 前期一日設帳座于宣慶殿設文武
 幕次于朝堂并殿庭板位太樂令陳宮懸皆如皇帝
 受冊儀守官設皇太子次于朝堂北西向乘黃令陳
 金輅朝堂門外西向皇太子儀仗笳蕭鼓吹等陳宣
 慶外典儀設皇太子版位于殿橫街南近東北向設
 文武官五品以上位於樂縣東西餘官如常儀至日
 門下侍郎奉冊中書侍郎奉寶綬各置于案令史二
 人絳服對舉案立寶案在橫街北西向冊案在北門
 下侍郎中書皆立案後侍中板奏中嚴皇太子遠遊
 冠絳紗袍乘珪出太子舍人引入就版位東面殿立
 東宮官三師以下皆從立皇太子東西南向太子入
 門樂作至位樂止典儀贊皇太子再拜中書令立皇

宮內省

宮內省

太子東北西向。門下侍郎引冊案。中書侍郎取冊進授中書令。退復位。傳宣官稱有制。皇太子再拜。傳宣訖再拜。中書令跪讀冊訖。俛伏興。皇太子再拜受冊。退授左庶子。中書侍郎取寶進授中書。皇太子進受寶。退授左庶子。中書令以下退復位。案者以案退。典儀贊再拜。皇太子拜在位者皆再拜。太子舍人引皇太子退。樂止。侍中奏禮畢。皇太子升金輅。左庶子以下夾侍。儀仗鼓吹等並列宣慶門外。三師三少諸宮臣于金輅前後道從。鳴鏡而行。還東宮。宮庭先設儀仗如式。至宮門。鏡止。皇太子降金輅。舍人引入。就位坐。文武官臣序班稱賀禮畢。

遼史卷五十二

禮志五嘉儀上

冊皇太子儀。前期一日。設幄坐于宣慶殿。設文武官幕次于朝堂并殿庭板位。太樂令陳宮縣。皆如皇帝受冊儀。守宮設皇太子次于朝堂北西向。乘黃令陳金輅朝堂門外西向。皇太子儀仗笳簫鼓吹等。陳宣慶門外。典儀設皇太子版位于殿橫街南。近東北向。設文武官五品以上位於樂縣東西。餘官如常儀。至日。門下侍郎奉冊。中書侍郎奉寶。各置于案。令史二人。絳服對舉案立。寶案在橫街北西向。冊案在北。門下侍郎中書侍郎並立案後。侍中版奏中嚴。皇太子遠遊冠絳紗袍乘珪出。太子舍人引入就版位。北面殿立。東宮官三師以下皆從立。皇太子東南西向。太子入門。樂作。至位樂止。典儀贊皇太子再拜。在位者

皆再拜。中書令立太子東北，西向。門下侍郎引冊案，中書侍郎取冊進授。中書令退復位。傳宣官稱有制。皇太子再拜。傳宣訖再拜。中書令跪讀冊訖，俛伏興。皇太子再拜受冊。退授左庶子。中書侍郎取寶進授。中書令皇太子進受寶。退授左庶子。中書令以下退復位。昇案者以案退。典儀贊再拜。皇太子拜。在位者皆再拜。太子舍人引皇太子退樂作。出門樂止。侍中奏禮畢。皇太子升金輅。左庶子以下夾侍。儀仗鼓吹等並列宣慶門外。三師三少諸宮臣於金輅前後導從。鳴鑼而行。還東宮。宮庭先設仗衛如式。至宮門。鑼止。皇太子降金輅。舍人引入就位坐。文武宮臣序班稱賀禮畢。

皇帝受冊儀前期一日。尚舍奉御設陛於正殿北墉下。南面設御坐。奉禮郎設官僚客使幕次於東西朝堂。大樂令設宮懸於殿庭。舉麾位在殿第二重西階上。東向。以下略。

大金集禮卷八

皇太子

皇統二年誥授儀

天德四年冊命儀

大定八年冊命儀

大定二十七年冊皇太孫

守國儀

雜錄

皇統二年誥授儀

皇統二年二月二十八日命皇子名曰濟安大赦天下制曰禮重世嫡為其承七廟之尊國有元良所以繫萬邦之望顧惟菲德獲紹丕基勤以恤民居軫夙宵之念約於奉已敢親聲色之娛豈惟中外之共知抑亦神明之所鑒荷三靈之錫羨祐累聖

之重光慶集中宮時生上嗣宗社奉鬯已肇應於震方雷雨發
春宜均敷於解澤嘉與億兆同茲懽欣可大赦天下云云於戲
辰象著明於赫前星之耀恩書寬大助宣沖氣之和更賴三事
大夫百司庶府共欽承於德意期式敘於民彝永沐清風翁臻
壽域三月十三日擬奏慶誕皇子合於踰月或三月翦鬻之後
奏告天地社稷宗廟委司天台選定翦鬻三月二十五日戊午
時已奏告用三月二十八日辛酉勅旨從之十七日命左丞勛
奉告宗廟都點檢常勝奏告天地社稷就赴上京行禮并差待
制高士談權太常卿提控祭告禮儀閤門三人管勾准備十九
日擬奏節目皇子誕生甫及月周臣等歷攷古制皇后在位降
生元子者前代絕少又周成王幼在襁褓即稱太子建置師傅
今將及翦鬻當建名號若不奏陳誠恐闕典敕旨依典故建為
皇太子仍先告授尋委司天台選定翦鬻封建並用當日為吉

從之省筭用紅遍地雲氣盤龍錦標金龍五色十八幅寶裝屏
幅羅告一通并真珠網紅錦袋告匣奏定所行儀禮十九日奏
無賜告一節二十一日奏訖封建禮數添插施行其日質明百僚入
殿庭東西相向立左右司郎官吏部長貳郎官奉告身綵輿入
置東階下尚書侍郎於輿後面西立左右司郎官吏部官並歸
班宣徽使太常卿引帝后出宮升座庭下合班五拜舞蹈又再
拜歸分立位宰相執政官以上并行事官分東西升殿侍立中書
令東階升殿上接官詹事由西階諸姆保奉皇子自宮中出西
升與侍中對立受告以北為上房帝后降座東南至階西向皇子近前東向帝后皆手撫之
保姆等奉以再拜訖回轉立於皇后之次少卻帝后升座保姆
奉皇子當座前北面立吏部侍郎取告身於綵輿授吏部尚書
侍郎歸庭綵輿退置於東廊階下尚書奉告升殿庭尚書降歸
中面西位綵輿退置於東廊階下尚書奉告升殿庭尚書降歸
中書令稍前側立讀制畢卷之以授侍中侍中稍前接告面西

側立侍立歸引奉皇子稍前受告太子詹事稍前面東與侍
中相對立奉皇子者皆跪侍中以告授詹事詹事跪受置北侍
歸侍保姆等奉皇太子再拜訖詹事持告從皇太子入自東房
還閣詹事至閣前以告授掌管人退從皇后降座當御座前再
拜畢復升座殿上臣僚皆降階合班五拜稱賀若有宣再拜聽
畢帝后暫興入宮撫視臣僚非特及時翦鬢留鬢復出外座庭
下合班稱賀如前儀或進稱賀禮物如式合花坐惟以翦鬢文
代致語慶賜取旨翦鬢文於赫吾皇丕承帝眷慶積德於
椒房遂發祥於蘭殿少海與福海同深前星與壽星並見上帝
是依彌月不遲溫文玉德岐嶷天姿騰懽心於錦宇擁嘉貺於
皇基習習兮風和遲遲兮日永得羨數於神策占瑞光於圭影
瀉香浪於龍湯唾寶螺於佛頂神祇祖考盡懽忻霈澤均禧浹
兆民玉葉金枝增福壽共扶聖祚億千春荆頭人念文聖

主當陽中宮積慶元子誕生萬邦表正七花湧於金磚九龍噴
其香泉雷髮之後福壽增延二十六日冊曰禮典之垂訓鑒
重世嫡所以不敘人倫帝王之御邦家建儲闈所以其承宗廟
朕紹隆基緒祇慎夙宵荷三靈眷顧之休開億載流光之福自
中宮而錫羨慶上嗣之慶期歷修曠世之儀豈厭普天之意誕
敷庭號播告縉紳皇子濟安毓秀天潢分輝辰極寢興占夢梔
聞漢后之日符經緯儲精允協周家之聖瑞沈厚積山川之氣
溫文全金玉之姿乃者元宰獻謀近臣演議謂前代少陽之兆
多有於朱藩而後宮甲觀之徵不專於椒掖尚豫崇於國本以
外係於人心豈如皇朝盡軼隆古宜涓歲月之吉茂揚典冊之
光上以答祖考之懼下以副臣民之望言之甚切義不得辭肆
因翦鬢之辰俾正承華之位方當延老成爲羽翼之輔建寮案
相朝夕之恭匪我一人之私惟爾萬方之慶於戲僉言協卜既

磚

從。蚤。建。之。功。幼。歲。親。師。庸。助。夙。夜。之。德。宜。非。謀。非。彛。之。勿。用。廣。正。言。正。事。之。常。聞。勉。思。求。稱。之。難。永。錫。無。疆。之。福。二十。六。日。詔。天。下。敕。尚。書。省。廣。愛。惟。親。爰。厚。人。倫。之。化。立。子。貴。嫡。允。為。天。下。之。功。朕。欽。紹。基。圖。祇。勤。夙。夜。屬。燕。謀。之。肇。慶。自。椒。掖。以。儲。祥。誕。揚。典。冊。之。儀。式。副。臣。民。之。願。皇。嫡。子。濟。安。徇。齊。秀。質。岐。嶷。英。姿。載。夙。於。初。協。漢。后。日。符。之。夢。誕。彌。有。赫。同。周。家。聖。瑞。之。光。屬。宰。輔。之。獻。言。詔。春。宮。而。協。議。謂。國。本。所。當。蚤。建。而。宗。壺。宜。有。共。承。稽。載。籍。傳。嫡。之。格。言。有。前。代。承。平。之。故。事。禮。之。所。急。義。不。可。辭。乃。因。吉。日。之。良。俾。正。前。星。之。位。咨。爾。有。眾。其。體。朕。心。已。降。制。命。立。為。皇。太。子。仍。令。有。司。擇。日。備。禮。冊。命。布。告。中。外。咸。使。聞。知。五。月。十。九。日。擬。奏。詳。定。所。看。詳。前。代。故。事。立。皇。太。子。供。賜。之。例。極。厚。以。重。國。體。今。來。皇。太。子。受。告。約。量。定。到。行。禮。并。管。勾。事。務。等。官。各。合。給。賜。賞。物。及。照。到。歷。代。以。來。曾。有。增。秩。恩。例。開。立。

下。項。奉。敕。旨。應。據。隨。朝。大。小。職。官。并。諸。局。分。祇。候。人。等。並。遷。一。資。內。有。見。帶。金。紫。光。祿。大。夫。人。等。吏。部。尚。書。充。殿。前。都。點。檢。長。勝。並。與。特。進。餘。進。封。國。公。所。據。支。賜。賞。物。准。奏。漢。文。帝。立。皇。太。子。有。降。敕。賜。爵。之。恩。光。武。立。皇。太。子。在。朝。官。增。秩。各。一。等。晉。明。帝。立。皇。太。子。大。赦。增。文。武。位。三。等。後。魏。太。武。帝。立。皇。太。子。王。公。已。下。並。增。爵。秩。宋。文。帝。立。皇。太。子。賜。文。武。位。一。等。宋。立。皇。太。子。帝。參。及。見。任。官。皆。賜。官。一。等。賜。告。太。傅。丞。相。宗。弼。銀。絹。二。百。疋。兩。讀。告。丞。相。韓。企。先。總。領。裁。定。禮。數。平。章。昂。平。章。奐。各。一。百。五。十。疋。兩。其。餘。奏。告。官。撰。詞。定。儀。注。奉。告。寫。告。監。造。告。身。以。至。進。署。祝。版。令。史。等。銀。兩。各。有。差。翦。髻。人。遷。兩。資。并。賜。錢。銀。絹。人。口。

天德四年冊命儀

天德四年正月九日詔立儲嗣合行典禮令有司條具以聞定遍行畢稟定正月二十七日告天地宗廟二月二日受冊三日謝

宗廟命學士劉長吉撰冊文直學士施宜生書冊篆寶差侍御
史許宏等三員監看成造冊寶并法物工部郎中蒲輦等三員
監看成造盞匣牀等命平章徒單恭告天地平章蕭裕告宗廟
并差引贊行禮太常博士通事舍人太祝各一命左丞相思忠
攝太尉充冊使右丞相太口攝司徒充副使平章蕭裕攝侍中
奉寶讀寶參政蕭玉攝中書令奉冊讀冊太子太師太傅各一
奉冊寶吏禮部侍郎各一舉冊中書舍人二舉寶給事中二捧
冊捧寶官各四左庶子二一贊并贊謝請內嚴外辨一次并差
左右率府典儀主節大樂令協律郎各一贊者禮直官掌書
收各二通舍十符寶郎八卑寶盞官十八匣冊十八元申又有
辨及承制侍中二員并中書門下侍郎禮儀使儀注內亦有禮
月十日口稟下項儀禮除奏告就南郊臺行禮外並准行五禮
精義冊命大事先告天地宗廟示不敢專社稷地祇之屬不必
皆合省去此節止告天地宗廟今奏告天地雖有員丘方丘
未經行禮合依冊后前一日儀鑾司設座於武德殿南向設
已經遣使奏告之儀

羣臣次於門外大樂令設懸於庭設協律郎舉麾位於樂懸西
北東向閣門設百官班於庭又設典儀位於班前之東北贊者
二人在南少退俱西向設冊使副次於殿門之東又設冊使副
受命位於百官班前又設冊寶幄次二於殿後東廂俱南向前
日尚書工部奉冊其日諸衛勒所部略列黃麾細仗於庭符寶
寶并牀匣進入郎奉八寶并置左右吏部侍郎奉冊匣禮部侍郎奉寶盞於合
立節處左右置於牀訖出門外入百官班大樂令協律郎樂工
典儀贊者各入就位羣官等依時刻各服朝服侍中版奏中嚴
通事舍人引羣官入就位東西相向立以北為上又引冊使副
立於東偏門外西向門下侍郎引主節奉節立於殿下東廊橫
階道北讀冊中書令引冊中書侍郎帥舉捧官奉冊牀立於節
南讀寶侍中引寶門下侍郎帥舉捧官奉寶牀立於冊牀之南
俱西向侍中版奏外辨殿上索扇協律郎舉麾官懸奏曲皇帝

服朔望冠服。出自東房。曲直華蓋警蹕。皆如常儀。卽座南向。簾捲樂止。通事舍人引冊使副入。宮懸奏曲。使副就受命。伍樂止。侍中、中書令、門下侍郎、中書侍郎、舉捧官、依舊西面立。羣臣合班橫行北面立定。典儀曰：再拜。贊者承傳。皆再拜。班首起居。又再拜。閤門官引侍中承制。降詣使副東北面。西稱有制。使副稍前揖躬再拜。侍中宣曰：命公等持節授皇太子冊寶。宣訖。又俱再拜。侍中還班。門下侍郎引主節詣冊使所。主節以節授。門下侍郎。門下侍郎執節。節面西授太尉。受付主節。立於使副之左右。中書侍郎引冊牀。門下侍郎引寶牀。立於冊使東北面。西以次授太尉。太尉皆捧受。冊牀置於北。寶牀置於南。侍中、中書令、禮儀使、舉捧冊官及昇牀者。退於東西階道之左右相向立。門下侍郎、中書侍郎還班位。典儀曰：再拜。贊者承傳。皆再拜。羣官拜訖。分班歸東西相向位。舉捧昇冊寶牀者進。引冊官引冊牀先

(五大)

行。讀冊官次之。引寶官引寶牀次之。讀寶官又次之。舉捧官各分左右。通事舍人引冊使副隨之以行。持節者前導。使副初行。宮懸奏曲。出門樂止。侍中出班升奏。侍中臣某言禮畢。索扇簾降。宮懸奏曲。降座入自東房樂止。通事舍人引羣官在位者以次出。先是有司豫設太尉司徒本品革車鹵簿於門外。左右排列。俟使副出門。鼓吹振作。鹵簿依本品。合得人數。如無禮儀使。鹵簿鼓吹卽以錦衣人代。舉捧官執節者并擡昇人。以冊寶少駐於東宮門。太尉司徒及讀冊寶官暫歸幕次。閤門引入東宮。俟至殿下。鼓吹止。有司宿俱帳東宮殿。設太子座於殿前。垂簾。又設東西房於座之左右。稍北。又設受冊位於殿庭東階之南。西向。大樂令設宮懸於庭。協律郎設舉麾位於殿上。又設冊寶幄次及行事官幕次於門外左右。其日諸衛於門外略設黃麾細仗於殿上。設簾并扇左右各十。紅傘一。稟定坐。麟金浮圖。在東階欄子外。又設舉冊寶案。

位於使副之前北向。又設左庶子位北廂南向。質明執事官大樂令各就位。東宮官屬具朝服詣禁閣迎導。從如儀。主衣二人奉空頂幘絳紗袍。幘定空頂玉帶以從。至受冊殿後閣。左庶子奏中嚴。冊使副入門。宮懸奏曲。俟冊使庭中立定樂止。冊在北使副立於牀後。禮儀使帥持節者立於前。舉捧冊寶官立於冊寶牀左右。讀冊寶官各立於其後。左庶子奏外辦。太子服空頂幘絳紗袍。左庶子引太師抱之出宮懸奏曲。太子降自東階。降升並引左庶子傘扇引從至階下。望御座所在立。樂止。冊使進立於右。宣曰有制。左庶子贊再拜。太傅代拜。冊使宣曰制遣太尉姓名司徒姓名。恭授皇太子冊寶。左庶子贊再拜。太傅代拜。冊使副少退。俟升階樂作。冊使出就次。冊使行鼓吹振作如來儀。至殿外門止。冊使副入俛伏跪奏。太尉臣姓名司徒臣姓名奏。制受皇太子冊寶禮畢。俛伏興退。冊使少退時。中書令侍中及舉捧

官帥擡昇人奉冊寶。以次進於太子前。宮懸奏曲。冊寶牀自東階升置於楹間。冊牀在北寶牀在南中雷讀冊寶官立位。並去帕及蓋。擡昇入執之。退立於西朵殿。舉捧官分左右相向立。讀冊寶官各於牀之東西向立。既定樂止。左庶子引太子自東階升。宮懸奏曲。傘扇止於簾外退於座前南向立樂止。中書令詣冊牀南立。北向稱。中書令姓名謹讀冊。讀畢降自東階。立欄外第一。墀上西向。次侍中詣寶牀南立。北向稱。侍中姓名讀寶。讀畢降階。立於中書令之北。西向。左庶子引升座。宮懸奏曲。坐定樂止。舉捧官以次招擡昇人。持帕蓋覆匣牀。奉置殿之左右。冊牀在東。寶牀在西。置訖。舉捧官以次降階。立於中書令侍中之後。立定合班。北向。左庶子贊再拜。拜訖降自東階。出。冊寶等物並受冊訖左庶子奏禮畢。司贊引東宮官以次進就北向位。班首初行。宮懸奏曲。至位樂止。贊者曰再拜。班首已下皆再拜。贊者引班首。

自西階升樂作。至階樂止。進當座前北向。躬致辭稱賀訖。降自西階。樂作。至位樂止。贊者曰再拜。班首已下皆再拜。左庶子前承令。降自西階。詣東宮官前西北東向。稱有令。宮官等皆拜。左庶子宣曰。祇奉聖恩。授以冊寶。榮幸之至。效厲增深。所賀知贊者曰再拜。宮官皆再拜訖退。左庶子跪奏稱禮畢。降座。宮懸奏曲。入東房樂止。歸閤。宮懸奏曲。至閤樂止。在位者以次出。通事舍人再引太師抱詣帝后所御殿。謝兩宮太后。如謝后儀。同日遣左庶子詣太廟謝。除祀版不用外。並如奏告之儀。宋會要該舊制。皇太子冊用玉石簡六十枚。今請增七十五枚。又太常因革禮。皇太子玉冊五十枚。冊匣隨冊為之。五禮精義該。後齊用竹簡十二枚。或以白玉為之。又該。北齊簡制。其詞多寡。則出臨時。已上隨代不同。擬依所撰冊文用。見在已有冊簡。隨文多寡用之。五禮精義該。皇太子寶以黃金為之。方一寸。龜紐。文曰皇

太子寶。已上制度狹小者詳。若此諸王印。四邊各增一分。用金成造。龜紐。具文曰皇太子寶。其綬并冊寶合用諸物等。擬依冊后已行制度成造。其匣等並用朱漆。以金鍍銀裝。用黃麾細仗。並同冊后儀。已稟訖。用遣使儀。十二日再稟定。只用臨軒冊禮。前一日云云。前出門外入百官班。羣官等依時刻。官各服常服。其日東宮官應從者。各服其服。以序詣閤。奉迎太子出就次。大樂令協律郎樂工。典儀贊者各入就位。侍中版奏中嚴云云。同太尉皆捧受。門下侍郎中書侍郎禮儀使舉捧冊寶。官及昇牀者退立。通事舍人引太子太師抱之入就版位西北立。主衣二人奉空頂幘絳紗袍以從。三師三少以次導從如式。於東南面西。以北為上。初入門。宮懸奏曲。至位樂止。通事舍人引太尉立於版位之西面東。司徒立於西南面北。節在太尉東。少南面西。冊寶牀在司徒西南面東。左庶子立於太子之右面西。司徒

就牀取冊進東授太尉持節者脫節衣太尉稱有制左庶子贊太子位右代拜冊使宣曰制遣太尉姓名等授皇太子冊寶左庶子贊再拜太傅代拜冊使少退引冊寶及讀冊寶并舉捧官帥擡卑人奉冊寶以次進於太子前中書侍郎立於冊匣東北面南中書令詣冊匣西北立南向舉匣官去匣蓋捧冊官捧冊中書令稱姓名讀冊讀畢跪左庶子進詣讀冊官前跪受冊中書令還位左庶子退授太子太傅代受以授掌書舉捧官復蓋訖中書侍郎復引冊置於牀少立門下侍郎立於寶盞東北面西南侍郎詣寶盞北立面南舉捧及讀寶并受授引置於牀並同上儀左庶子贊再拜太傅代拜持節者加節衣贊皇太子退如來儀典儀曰再拜贊者承傳在位者皆再拜羣官拜訖分班歸東西相向立舉捧官卑冊寶官引冊牀先行引冊官次之寶牀次行引寶官次之舉捧官各分左右通事舍人引冊使云云

同在位者以次出
前詣內殿及兩宮謝太廟並同前
定合行禮位宰執王公已下并宗室文武羣官及東宮師少已下官屬等俱服本品服集於殿門外左庶子跪請內嚴少頃又跪言外備太子常服出太師抱之左右侍衛如常儀即座南向禮直官先引一品官入初至殿階太師抱立座前一品官升自東階至殿上序重行北向以東為上典儀曰再拜贊者承傳在位者皆再拜答拜太傅班首少前躬致賀詞訖復位典儀曰再拜答拜太傅班首少前躬致賀詞訖復位典儀曰再拜贊者承傳在位者皆再拜躬身不答拜班首少前躬致賀詞訖復位典儀曰再拜贊者皆再拜如前躬身不答拜禮直官引二品已下羣官以次出太子即座禮直官引東宮師少官入初至殿階太師抱出座前師少升自東階至殿上以序重行北向

以東為上。典儀曰再拜。答拜。太傅班首少前躬致賀詞。訖復位。典儀曰再拜。答拜。太傅班首少前躬致賀詞。訖復位。典儀曰再拜。答拜。禮直官引師少出。太子即座。禮直官引詹事以下官官入就庭。皆以序橫行北向。典儀曰再拜。班首少前稱臣某等躬致賀詞。訖復位。典儀曰再拜。詹事已下皆再拜。訖。禮直官引詹事已下官官以次出。左庶子跪言禮畢。太師抱還宮。左右侍衛如常儀。朔望受東宮官賀亦如上儀。二月五日。以冊禮畢。詔諭天下。

大定八年冊命儀

大定七年五月六日。詔曰。朕恭膺景命。夙奉丕圖。既承九廟之尊。深惟國本。庶係四海之望。用永皇基。斯古昔之宏規。亦邦家之先務。天與上嗣。慶自中宮。紹中國之建儲。稽禮經而立嫡。肆遵彝典。式示寰區。皇子楚王。某資賦聰明。才兼文武。剛健而循理。端厚而寡言。從師友則進學敏修。道古今則經耳成誦。趨庭

匪懈。見孝敬於問安。養志無違。表忠勤於視膳。至於疏封大國。益盡小心。操履謙和。姿儀肅謹。蓋神明之胄。稟異而天地之祐。茲私是宜。叶繼照於明離。觀主壘於游震。上以纂祖宗創業之緒。下以慰臣民引領之誠。其以某為皇太子。仍令有司擇日備禮冊命。主者施行。布告中外。咸使聞知。正月七日。呈省前代典禮。既已降詔。立為皇太子。雖未受冊禮。其一切禮數。與已受冊禮無異。晉書云。太子出會。在王公之上。宋事實。太子與宴。在王公之上。宋會要。太子與親王別班起居。唐開元禮。皇太子若來朝。則皇太子朝出。訖引王公以下入。通典。鹵簿圖。太子紫蓋。今來看詳。如遇入朝與宴。依前項典故。合在王公之上。帝朝日。仍獨班起居。俟退方引親王以次班。若與宴。既在王公之上。自當禮絕百僚。今擬於玉座之左。西向設位。比王公坐位。少前。其朝服紫袍。玉帶。玉雙魚袋。傘用紫羅。表裏坐麒麟。金浮圖。文椅。

用金鍍銀榜榜圖靠背上仍用雙戲麒麟五月十四日依海陵
其綾裏合用冠冕制度五月十一日敕旨委內藏庫官監造二十
月試得小御前五月十三日批劄護衛二十人自來特掌寶
二人特差內祇導引官十六人差班祇人小底一十人自來差
籍監人或充過食小底二十人自來尚食局導從六十二人差中
軍廚子二十人自來尚食局撥到像馬小底十人管事十人管
鞞四人茶酒四人儀鸞四人下帳燈火十人庫本把四人並左
右監門每日輪差到護駕人十人牌子頭一名把門守宿十四
日下吏部又下工部導從人數服色依貞元儀式定到條常用
六十二人傘子二人不在其數並服梅紅羅繡雙盤鳳襖子金花幘頭金
鍍銀束帶應用引從物鍤鑼唾孟子水罐等合用銀金鑲并奉
敕旨月給五百貫石外麩米麥春秋綾羅錦絹一例比附增添
十五日奏定錢五百貫粟五百石麩八十秤黃米八十石小麥

八十石春衣羅八十疋絹三百疋秋衣綾八十疋絹三百疋綿
一千四百兩七年八月五日擬奏昨奉敕旨冊皇太子事候奉
安子日舉行今來有無準備於行從之十七日奏定用來年正
月十七日謝廟用二十三日受冊及謝廟禮數合用函簿檢到
開元開寶禮全數計二千二十人五禮新儀二千三百七十三
人有無依上項典故唯復裁減據其間制度與大駕同者擬依
前來造皇太子金輅用龍鳳處改用麟鸞純用紅黃處改用梅
紅又開寶禮皇太子升降輅合用輿輿製似輦而小今若比擬
平頭輦減小成造見得別無空礙所有文餘處亦擬依金輅制
度施行九月十七日敕旨函簿人數斟酌裁減餘准奏十一
月五日擬奏依五禮新儀臨軒冊命時皇太子服遠游冠朱明
衣詣太廟服袞冕並減定謁廟函簿人數用六百人敕旨准外
函簿用一千人七日擬奏宋會要該冊皇太子列黃麾大仗於

殿庭照到五禮新儀黃麾大仗係五千二十五人緣來前上尊
號時殿庭立仗用三千人今擬依五禮新儀用黃麾半仗二千
二百六十五人外擬仁政殿上表陳謝依五禮新儀文德殿用
黃麾細仗一千四百二人從之右冊命於大安殿為上親冊故
重其禮表謝於仁政殿為在下謝上不敢再勞聖駕御大安殿
並准奏唐宋典故內皇太子冊寶制度該冊用玉石簡六十枚
寶以黃金為之龜紐文曰皇太子寶方二寸厚一寸其行用匣
蓋等物各用黝漆色黑外有冊簡前後四枚刻龍填金為捧護之
牀依前來金輪制度改用麟十一月一日敕旨捧護冊依典故
用龍餘並准奏元中宋會要太常因革禮皇太子冊玉簡六
枚前後四枚刻龍填金為捧護之狀貫以金
絲首尾結為金花飾以鉛粉觀以紅羅泥
以黝漆匣長九尺五寸闊尺二寸高八寸
絲結條銀花鳳葉裝加以腰輿行馬飾皆
漆匣用金縷銀花鳳葉裝加以腰輿行馬
厚為一頭寸係以宋會要皇太子受冊寶以黃金檢長五寸闊二寸厚二寸

(五六)

寸志裏以紅錦加紅羅泥金帕納以小蓋以金裝內設金牀又
蓋二重皆覆以紅羅泥金帕蓋及腰輿行馬皆銀裝金泥他法
物皆銀為之較花塗以金又案五禮精義云皇太子寶以黃金
為之龜紐文曰皇太子寶又令文云皇太子寶為之不行用其
封令書用春坊印今擬飾以龍鳳處改為麟鸞純九月二十
用紅處改為梅紅印他物並依上典故制度成造

九日差侍制張口等三員監看成造冊寶並法物禮部外郎趙
揚等三員監看成造匣蓋牀等十二月一日命侍講張景仁撰
冊文禮部侍郎劉仲淵書冊篆寶五日差工部侍郎張仲愈等
二員提點編排儀仗并謁廟函簿二十五日命右丞相良弼告
天地樞密使志寧告宗廟平章守道攝侍中奉寶右丞相石璩
攝中書令奉冊讀冊引寶門下侍郎引冊中書侍郎一行禮侍
中二押樂太常卿一正官外並三品官攝充并差捧冊捧寶二
大樂令典儀贊者協律郎引太子典贊儀各一符寶郎四太博
二通舍五詹少左右庶子左右諭德左右率府僕正中允各一
早寶蓋官八早冊匣官十六十二月二十三日擬奏下項儀

禮准外冊命日皇太子乘輿至翔龍門東宮官導從不乘馬冊
皇太子前三日合遣使同日奏告天地宗廟奏告天地於自來
拜天處宗廟在廟
庭中通告用冊前一日宣徽院帥儀鑾司設御座臺上於大安
殿當中南向設皇太子次於門外之東西向又設文武百寮應
行事官東宮官等次於門外之東西廊又設冊寶幄次於殿後
東廂俱南向冊東
寶西又設受冊位於殿庭橫階之南工部與監造
冊寶官公服自製造所導引冊寶牀由宣華門入計會宣徽院
進呈訖赴幄次安置大樂令帥其屬展樂懸於庭其日兵部帥
其屬設黃麾仗於大安殿門之内外質明文武百僚應行事官
並朝服朝服謂入次
法服東宮官各朝服自東宮乘馬導從至左翔
龍門外下馬各就次通事舍人分引百官入立班東西相向次
引侍中中書令門下侍郎中書侍郎及奉昇冊寶官詣殿後幄
次前立少頃奉冊寶出幄次由太安殿東降至庭中褥位權置

(五大)

訖在受冊位近東稍
北西向冊北寶南奉引冊寶官立於其後皇太子服遠游冠
朱明衣出次執圭三師三少已下導從立於門外侍中奏中嚴
符寶郎奉八寶由東西偏門分入升置御座之左右侍中奏外
辨內侍承旨索扇扇合皇帝服通天冠絳紗袍以出曲直華蓋
侍衛如常儀鳴鞭訖宮懸樂作皇帝出自東序即御座爐烟升
扇開簾捲樂止典贊儀引皇太子入門宮懸樂作至位樂止師
少已下從入立於皇太子位東南西向典儀贊皇太子再拜搢
圭舞蹈又拜奏聖躬萬福又再拜訖引近東西向立師少已下
并奉引冊寶官等各赴百官東班樂作至位樂止通事舍人引
百官俱橫班北向典儀贊拜在位官皆再拜搢笏舞蹈又再拜
起居又再拜訖百官各還東西班師少已下并行事官各還立
位典贊儀引皇太子復受冊位樂作至位樂止侍中承旨稱有
制皇太子已下應在位官皆再拜行事官
躬身侍中宣制曰冊
不拜

某王為皇太子。俱又再拜。通事舍人、太常博士引中書令詣讀冊位。中書侍郎引冊匣置於前。捧冊官西向跪捧皇太子。跪讀畢。俛伏興。皇太子再拜。中書令詣捧冊位。奉冊授皇太子。搢圭跪受冊訖。以授右庶子。右庶子跪受。皇太子俛伏興。右庶子以冊興置於牀。中書令以下退。復本班。次通事舍人、太常博士引侍中詣奉寶位。門下侍郎引寶蓋立於其右。侍中奉寶授皇太子。搢圭跪受寶訖。以授左庶子。左庶子跪受。皇太子俛伏興。左庶子以寶興置於牀。侍中以下退。復本班。典儀贊再拜訖。典贊儀引皇太子退。初行樂作。左右庶子帥其屬。昇冊寶牀。押以出。在皇太子前行。出門樂止。侍中奏禮畢。內侍承旨索扇。扇合。簾降。鳴鞭樂作。皇帝降座入。自西序還後閣。侍衛如來儀。扇開樂止。侍中奏解嚴。所司承旨放仗衛。以次出。皇太子入。次改服。公服還東宮。導從如來儀。冊後二日。兵部設黃麾仗於仁政殿。

門之內。外陳設並如大安殿之儀。惟不設壇臺及八寶。百官服朝服。皇太子公服至。次改服遠遊冠。朱明衣。通事舍人引百官入。至階下立班。東西相向。典贊儀引皇太子。執圭出。次位於門外。侍中奏中嚴。少頃。又奏外辦。索扇。鳴鞭。並如大安殿儀。皇帝出自東序。通天冠。絳紗袍。或朔望冠服。即座。簾捲。通事舍人引百官俱橫班北向。典儀贊再拜。在位官皆再拜。搢笏舞蹈。又再拜起居。又再拜訖。分班。皇太子捧表入。蓋文類。梁武冊太子表謝。至拜表位立。俟。閣門使將至。單跪捧表。閣門使接表訖。皇太子俛伏興。典儀贊拜。搢圭舞蹈。又再拜。俟讀表訖。侍中承旨退。稱有制。典儀贊再拜興。躬身。侍中宣訖。典儀贊再拜。搢圭舞蹈。又再拜訖。典贊儀引皇太子退。侍中奏禮畢。扇合。鳴鞭入。西序還後閣。侍衛如來儀。侍中奏解嚴。放仗。百官以次出。後二日。百官奉表稱賀如常儀。謝廟日。質明。東宮應從官各服朝服。所司陳函簿金輅於左掖門外。皇太

子服遠遊冠朱明衣升輿以出至金輅所降輿升輅左庶子已下夾侍三師三少乘馬導從餘官亦皆乘馬以從東行由太廟西階轉至廟不鳴至廟西偏門外降輅步進由東偏門入幄次改服袞冕出次執圭自南神東偏門入宮官並太常寺具從於其後皇太子入詣殿庭東階之東西向立典儀贊再拜訖升自西階詣始祖神位前北向再拜訖以次詣逐室行禮並如上儀訖降自西階復西向位俟典儀稱禮畢出東神北偏門謁別廟如上儀訖歸幄次改服遠遊冠朱明衣出次步至廟門外升輅過廟門鳴鏡而行至右掖門外降輅升輿以入將士各還本所後一日於東宮受羣官賀如元正受賀儀冊曰維大定八年歲次戊子正月甲子朔十七日庚辰皇帝若曰自昔有天下之君必嚴於宗廟惟時主宗廟之器莫重乎元良朕丕荷燕謀中興桓撥惟休大祿用卜於無疆永言孝思敢忘於嗣服蓋傳家而慮長世

始自夏商以來立嫡以正諸侯有若春秋之訓其承天序匪出服私咨爾楚王其祥發中闈體鍾上嗣生而岐嶷學則緝熙爛然揭前星之明溫其涵少海之潤文武之藝卓爾良能仁孝之心充於固有職在於問安視膳未嘗不承順其歡古制有監國撫軍抑克堪負荷其任固足以增重邦家之本允協億兆之心涓茲令辰昭以備物今冊爾為皇太子於戲象取明兩位為國儲以恩則父子之倫以義則君臣之分義不可或闕臣於君則必以忠恩不可少忘子事父則莫如孝矧左右前後皆其正當尊所聞行所知惟出入起居罔不欽勿遊於佚淫於樂用光我祖宗之顯德以對茲典冊之闕休

宮内省

(五六)

